



# REPUBLIKA E SHQIPËRISË

## KUVENDI

*Komisioni për Çështjet Ligjore, Administratën Publike dhe të Drejtat e Njeriut*

Tiranë, më 30.04.2021

Dokument parlamentar

*(Komision përgjegjës)*

### RAPORT

#### PËR

**Aktin normativ Nr. 17 datë 08.04.2021 “Për miratimin e marrëveshjes ndryshuese të marrëveshjes së furnizimit të nënshkruar ndërmjet Ministrisë së Shëndetësisë dhe Mbrojtjes Sociale, Ministrit të Shtetit për Rindërtimin dhe Institutit të Shëndetit Publik dhe distributorit të autorizuar “Keymen ilaç sanayi ve ticaret” a.s.”**

#### *I. Hyrje*

Komisioni për Çështjet Ligjore, Administratën Publike dhe të Drejtat e Njeriut, në cilësinë e Komisionit Përgjegjës, në mbledhjen e datës 30.4.2021 shqyrton projektligjin, Aktin normativ Nr. 17 datë 08.04.2021 “Për miratimin e marrëveshjes ndryshuese të marrëveshjes së furnizimit të nënshkruar ndërmjet Ministrisë së Shëndetësisë dhe Mbrojtjes Sociale, Ministrit të Shtetit për Rindërtimin dhe Institutit të Shëndetit Publik dhe distributorit të autorizuar “Keymen ilaç sanayi ve ticaret” a.s.”.

Relator për këtë Akt Normativ ishte znj. Vasilika Hysi. Të ftuar gjatë mbledhjes së Komisionit ishin dhe përfaqësues të Ministrisë së Shëndetësisë dhe Mbrojtjes Social, më konkretisht Zv/ministria znj.Mira Rakacolli, Sekretarja e Përgjithshme znj. Geraldina Prodani dhe Drejtoresha Juridike znj.Antoneta Njehrrëna.

Ky akt normativ nuk është planifikuar në planin e përgjithshëm analitik të projektakteve të vitit 2021.

#### *II. Baza ligjore Kushtetuese*

Akti normativ i Këshillit të Ministrave është në përputhje me Kushtetutën e Shqipërisë, neni 101 të saj.

Akti normativ shoqërohet me relacionin përkatës sipas nenit 68, të Rregullores së Kuvendit.

### ***III. Qëllimi, përmbajtja dhe risitë e aktit normativ.***

***Qëllimi*** i Aktit Normativ është miratimi i marrëveshjes së nënshkruar, ndërmjet “Keymen Ilaç Sanayi ve ticaret” dhe A.S dhe Ministrisë së Shëndetësisë dhe Mbrojtjes Sociale, Ministrit të Shtetit për Rindërtimin dhe Institutit të Shëndetit Publik.

**Objekti** i marrëveshjes është furnizimi i popullatës me vaksinës kundër COVID-19 “Coronovac, të krijuar nga Sinovac Life Science Co, Ltd të prodhuar në Republikën Popullore të Kinës”.

Me anë të këtij akti normativ synohet të miratohet marrëveshja e nënshkruar ndërmjet ministrit të Shëndetësisë dhe Mbrojtjes Sociale, Ministrit të Shtetit për Rindërtim dhe Institutit të Shëndetit Publik dhe “Keymen Ilaç Sanayi ve ticaret” dhe A.S.

### ***Risitë***

Pandemia e shkaktuar nga SARS-CoV-2 (Coronavirus i ri, COVID-19) ishte një sfidë globale jo vetëm për faktin se ishte një virus i ri dhe i panjohur, por edhe për shkak të numrit të lartë të personave të prekur dhe atyre që kanë pësuar fatalite në mbarë botën. Në këto kushte, qeveria shqiptare, ashtu si qeveritë e shteteve të tjera të rajonit, Evropës dhe botës, ka ndërmarrë një sërë masash për parandalimin dhe kufizimin e shpërndarjes së virusit në popullatë.

Ne kushtet aktuale, vendosja e një vaksine të sigurt dhe efektive COVID-19 është thelbësore për rikthimin e një normaliteti jetësor.

Aktualisht, Shqipëria është bërë pjesë e aleancës COVAX dhe një pjesë e vaksinave do të sigurohen nëpërmjet kësaj aleance në të cilën Shqipëria ka aderuar nëpërmjet ligjit nr.134/2020.

Shume vende të përfshira në aleancën COVAX kanë lidhur marrëveshje të drejtperdrejta për sigurimin e vaksinës me kompaninë Pfizer B.V. të tilla si Serbia, Maqedonia dhe disa vende te BE-së.

Numri i siguruar i vaksinave nga marrëveshja me kompaninë Pfizer B.V nuk ishte I mjaftueshëm për vaksinim masiv të popullsisë. Në këto kushte Qeveria Shqiptare me anë të marrëveshjes, ndërmjet distributorit të autorizuar “Keymen Ilaç Sanayi ve ticaret” dhe A.S dhe Ministrisë së Shëndetësisë dhe Mbrojtjes Sociale, Ministrit të Shtetit për Rindërtimin dhe Institutit të Shëndetit Publik, të datë 23.03.2021, Republika e Shqipërisë është funizuar me vaksinën e inaktivizuar kundër Covid-19 (Vero Cell), Coronovac, të krijuar nga Sinovac Life Science Co, Ltd të prodhuar në Republikën Popullore të Kinës miratuar me Aktin Normativ nr.10 të datës 25.03.2021.

Në Ministrinë e Shëndetësisë dhe Mbrojtjes Sociale është ngritur një grup pune me specialistë te ministrise dhe te strukturave te varesise, i cili vlerësoi kontratën e propozuar dhe zhvilloi negociata për marrëveshjen.

### ***Përmbajtja e aktit normativ***

Akti normativ përbëhet nga 1 nen gjithsej.

- Neni 1 parashikon miratimin e tekstit të marrëveshjes për prodhimin dhe furnizimin, ndërmjet “Keymen İlaç Sanayi ve ticaret” dhe A.S dhe Ministrisë së Shëndetësisë dhe Mbrojtjes Sociale, ministrit të Shtetit për Rindërtimin dhe Institutit të Shëndetit Publik, sipas tekstit qi i bashkëlidhet këtij akti normativ.

### ***IV. Efektet financiare***

Nënshkrimi i kësaj marrëveshjeje shoqërohet me efekte financiare të cilat do të perballohen nga fondi rezerve i buxhetit të shtetit.

### ***V. Shqyrtimi i projektligjit në komision.***

Akti normativ u prezantuar nga përfaqësuesit e Ministrisë së Shëndetësisë, Zv/Ministria znj. Mira Rakacolli, ku ndër të tjera theksoj se vaksinimi i popullsisë është një ndër prioritetet e qeverisë në këtë kohë për menjanimin sa më të madhe të përhapjes së virusit Covid -19.

Znj. Rakacolli përmendi që marrëveshja që sot propozohet për miratim në Komision, është ndryshimi i paketimit të vaksinës Coronavac e prodhuar në Turqi. Duke qënë se ky ndryshim i paketimit vjen në një dozë të re të vaksinës duhet dhe miratimi nga Komisioni.

Relatori i projektligjit znj. Hysi në fjalën e saj theksoi që ky akt normativ është në përputhje me kushtet e nevojës dhe urgjencës të përcaktuar në Kushtetutën e Republikës së Shqipërisë. Nevoja për vaksinim cilësoj zonja Hysi është shumë emergjente për sigurimin e shëndetit të popullsisë si dhe për lirin e ekonomisë së vendit. Afati i përcatuar brenda 45 ditësh është plotësuar kështu që në këto kushte relatorja ftoi komisionin ta votoj aktin normative nr. 17.

### ***VI. Përfundime.***

Në përfundim të shqyrtimit Komisioni për Çështjet Ligjore, Administratën Publike dhe të Drejtat e Njeriut , vlerësoi se miratimi i këtij akti normativ në kushtet e nevojës dhe urgjencës, do të ketë impakt pozitiv në mbrojtjen e shëndetit publik, dhe me votat pro të të gjithë anëtarëve të pranishëm, e miratoi Aktin normativ Nr. 17 datë 08.04.2021 “Për miratimin e marrëveshjes ndryshuese të marrëveshjes së furnizimit të nënshkruar ndërmjet Ministrisë së Shëndetësisë dhe Mbrojtjes Sociale, Ministrit të Shtetit për Rindërtimin dhe Institutit të Shëndetit Publik dhe distributorit të autorizuar “Keymen İlaç sanayi ve ticaret” a.s.”.

**RELATOR**

**Vasilika HYSI**

**KRYETAR**

**Ulsi MANJA**